

涉縣志

元

地130.123

35

部三三二四

嘉慶四年二月刊

涉縣志

嘉慶涉縣志序

涉志自康熙甲午歲
邑人修後迄今九十
年未修其為缺也孰
甚焉抑非特缺之甚

也霞視其所為志編
叙無法前後雜習凡
所記載往往與史相
背謬蓋先之作者粗
述聞見備一方掌故

其為書也草創為而
已從事者稍滋增益
而踵其前失不復致
考亦無所謂討論也
余以志者史之一體

一縣之志即一縣之
史並期推傳信又史
詳本代志具見數代
必上下千年於有縣
之源流併合歷朝之

因革交易及遭時盛
衰之故灼鑒於心而
後乃筆之無誤故作
志之難與作史等然
歷代之史具在固作

志之權輿不孰乎此
而循俗記載宜其妄
也今就志畧言之
如南北朝時地入北
魏而有梁武朝之尚

書唐代宗後為澤潞
方鎮所據而有開成
之巡幸靖康之後非
後宋有而錄造舉有
紹興之進士記叢祠

有淳熙之道觀至若
人物首列孤突封邑
遠措涉阡咸無故牽
引展轉傳會其於史
書類未一經目者噫

誣也久矣先正謝方
石有言志缺則一郡
一邑之典型無以考
而文獻不足徵然缺
猶將有起而繼之者

妄則誣誣則是非混
清真偽錯雜雖有繼
者無以善其後今涉
之志既缺又誣甚余
竊病之因以政暇重

修纂既俾九十餘年
之文獻續有所考并
前此千數百年所載
事實亦稍為是正不
致顯背於史蓋於此

加討論焉乃若修飾
潤色則余之才不為
以誌此第龐雜為文
固有所不敢出耳是
役也一切考訂之事

余以身任又得孝廉
李君文元輩今職採
訪始終在局相與有
成厥功並懋焉

嘉慶四年己未五月

賜進士出身

特授文林郎知彰德府涉
縣事浙太平戚學標

序



縣志告成適讀太白集即集其
句書簡端

哲后起康濟君子方經綸建功及春
榮起舞鳴鷄晨何當來此地枯槁
驚常倫風雲激壯志天路渺無日
趙俗縵胡纓不重褻衣人太雅久

不作憲章亦已淪徵古絕遺老時訛
皆失真碑版有殘銘忽之如遺塵嘆
息瀟山川空入周與秦我志在刪述
三年費精神琢之詩禮間一揮成風
斤精光乃堪掇綺麗不足珍四山丹
壁開紗窓曙色新退食無外事墨

客盡來臻絃歌家唐堯郢曲回陽
春風義未淪替遠途期所遵事
事不異昔庶幾風化淳

戚學標再題



舊序

古來貧瘠頑梗之區必得在上轉移化誨之而後
治而在上之人尤必得有司軫恤躬導之而後安
蓋有司易於親民凡民間之隱微疾苦無不可誠
求而得官其地者洵能興舉廢墜修紀布綱雖且
夕之間已覺改觀况經數載漸摩之久乎我於黃
令之治涉有不禁忻然深幸焉夫涉僻處鄴城西
鄙彈丸山邑也然而韓峯擁翠於前漳水環碧於
左產於斯者民則龐厚士則秀雅宋明之間非特
科甲之盛蟬聯弗替卽忠節孝友之人亦相繼輩
出邑乘具在班班可考也自明季之亂兵燹頻遭
饑饉洊至倉皇老稚徙去者殆過半焉夫室家飄
流之不暇遑問詩書禮樂事乎我

涉縣志

舊序

一

國朝定鼎以來數十年之涵濡教化固已風移俗易
乙酉秋又得黃令來宰茲土潔清持已慈愛御人
睹閭閻之蕭然憫民生之凋瘵不啻身切痲痺
懷甚迫必欲登斯民於衽席而後止其重文學以
振士風善撫字以培民力除行戶則惠遍窮簷草

雜派則恩周蔀屋道里修創而利濟成芒糧抵除
而民困解課農則田疇勤業省刑而強暴爲良宣
聖主愛育之至意體 各憲撫綏之盛心亦云至詳且
悉有加無已矣歲甲午又以邑乘未修幾二十載
恐世遠言湮難徵考信亟同邑之紳士重加修輯
之紳士咸向余丐言以弁首余惟令蒞涉卅年矣
試思向之哀鴻未集者而今則吠犬相聞向之士
氣彌頽者而今則文風聿新向之蒿萊滿圃者而
今則桑麻四境向之頑梗成風者而今則絃歌比
戶羣稱潁川循吏之家風千載復覩也茲當邑志
告竣我知覽是編者遠稽近考旣以見宋元時文
物之盛更以昭今日治化之隆而余亦自丁亥以
來兢兢自矢期殫厥職者得藉賢令之同心襄贊
可相與有成矣故不辭而樂序之

詔封中憲大夫知彰德府事燕山繆發撰

自壬子歲我

皇上勅修一統志天下郡邑莫不各有志矣考涉志曰
我

朝定鼎以來兩經編輯其間山川風土井里賦役官師
人物善政芳徽靡不井然釐定燦然可觀今余之
重修是志也或疑爲過舉者余非敢也我涉僻介
鄴郡西鄙叢爾瘡區萬峯萃律複嶺嶽欹土性寒
确樹藝歉收且漳水不時泛溢洶湧激噴瀕水田

涉縣志

舊序二

廬每有汨沒洪流之慮官斯土者苟非恪遵令甲
夙夜冰兢多方溫煦鮮有不虞其叢脞者仰蒙我
皇上子惠元元澄三域五年來屢頒

覃詔賜賦蠲租

親灑宸章訓飭士子

聖恩浩蕩過化存神以故山澤効靈雨暘時若涉雖九
邑茲皆苗畬墾治葭屋安寧秉耒橫經雲耕月誦
艾老子弟咸喁喁然含哺鼓腹於雍熙之世者悉

皇上深仁厚澤之所涵育 各上憲承宣表率之所施

敷余小吏矢竭駑鈍俸免愆尤爰是公退之暇

閱邑志知爲前令楊左二君增修成帙自癸酉迄今已二十年矣此二十年之中豈無秋登桂榜春宴杏林者乎豈無博物明經騷壇樹幟者乎豈無孝友性成倫常無愧者乎豈無冰霜矢節壺教無忝者乎一善可風一長足錄均未可湮沒而不彰也矧夫黌宮之繕葺祀典之推崇賦稅之損益蕪田戶齒之闢理生聚櫓堞津梁之經營補葺較之

涉縣志

舊序二

二

二十年以前諒有不同者倘不及時登之邑志或至事過境遷久而失實善蹟淪亡俾將來稽核據未必非守土者之咎是以不揣荒陋敬延邑賢明紳士二三僚友與之重加叅訂遠蒐近核裒益補綴綱舉目張條分縷晰不數旬而告竣焉因念余自乙酉歲承乏茲土數年鞅掌五斗虛糜今重輯是編似非過舉從此益自淬礪與涉之士庶相與有成執此編以竊副

初修一統志之盛典是余之鄙衷也後之君子其亦可

以垂諒也夫

昔

康熙五十三年孟夏吉日

勅封文林郎知涉縣事燕山黃澤撰

涉縣志

舊序

三

舊序三

古列國有風歷輜軒而採之太史道詩亡而春秋
作嗣後若子長傳記及董狐諸筆赫赫如昨千古
留爲信史無非爲人心風俗慮也今採風者不至
然郡有郡志縣有縣志亦猶行古之道也余自丙
申歲尹茲涉土攬其山川形勝知爲古昔靡趙魏
之區厥民愿厥風樸樵披其輿圖雖屬蕞爾亦有
洋洋大國之觀上世修志者不可攷及先令李天
柱棟宇延鄉先生受菴李君輩採得殘斷舊草一

涉縣志

舊序三

一

冊叅互攷訂著爲上下二卷時萬歷戊戌歲也至
丁巳邑令任澄清依山復請鄉先生鳴宇李公輩
遠稽近述舉二十年未載之事臚列增益嗚呼盛
矣迄今四十餘年選舉不無輩出營建不無更置
官秩不無遺載孝義節烈之行不無軼失矧值我
皇上御極滇黔諸方並歸一統誠億萬世鞏固之繡疆
也人心風俗蒸然丕變重修之役更不容緩但緣
連歲輓餉余實有志而未逮適蒙 巡撫部院下
纂修之令乃遵奉上傳敦延鄉紳李若輅等庠士